

Aatsitassat ikummatissallu

Aatsitassat ikummatissallu pillugit allaffisorneq

Aatsitassat ikummatissallu pillugit allaffisorneq

Aatsitassarsiorneq ikummatissarsiornerlu malittarisaliuussaavoq Aatsitassat pillugit ingerlatallu tamatumunnga pingaarutillit pillugit inatsisartut inatsisaat nr. 7, 7. december 2009-imeersumi. Inatsit atuutilerpoq 1. januar 2010-mi tassuunakkullu naqissuserneqarluni Kalaallit Nunaata namminersornermi inatsit tunngavigalugu nammineq ingerlatsilerneru.

Isertitat

Inatsisip siunertarivaa immikkut naleqquttunngorsaanikkut Kalaallit Nunaanni aatsitassat pisuussutinit pisut isumannaassuseq, peqqissuuneq, avatangiisit, inuiaqatigiillu qajassuunnerisigut suliarineqartassasut.

Kalaallit Nunaat qanoq ilisumik aatsitassalerinikkut isertitaqalissappat, naalagaaffiup namminersortunut tapiissutaa millisinneqassaaq, isertitat affaanik annertussusilimmik, ukiumi isertitaasut 75 mil. koruuninik annertuneruppata. Ataatsimoortumik tapiissutit nungutivinneqassappata, nutaamik Kalaallit Nunaata Danmarkillu akornanni aningaasatigut attuumassuteqarneq pillugu isumaqatigiinniartoqassaaq.

Kalaallit Nunaata piginnittussaanera

Kalaallit Nunaanni Namminersorlutik Oqartussat tassaapput nunatta iluanik piginnittusaaatitaasut, taamatullu misissueqqaarnissanut, atuinissaq siunertaralugu misissuinernut iluaqutiginiarlugulu piaanernut taamatullu atugassatut toqqorterinernut sullulitsigullu assartuinikkut.

Aatsitassiorneq pillugu apeqqutit Aatsitassanut Ikummatissanullu Pisorta qarfirmitt ingerlanneqarput.

Akuersissutit

Uuliasiorneq aatsitassarsiornerlu

Naalakkersuisut misissueqqaarnissanut, atuinissaq siunertaralugu misissuinissanut piaanissamullu akuersissutinik tunisisinnaapput; piaanissamut akuersissutit taamaallaat ingerlatseqatigiiffinnut akuersissutigineqartarput. Ingerlatseqatigiiffiit pingaarnertut Kalaallit Nunaanni inissimasussaapput qinnuteqaammilu uppernarsarneqassalluni pisariaqartitsineq malillugu paasisimasaqarnermik atuinissarlu siunertaralugu

misissuinissamut aningaasatigut tunuliaqutaqarnermik. Akuersissusiinermi aningaasanik amerlassusiliineq aalajangerneqassaaq, pisinnaatitaasup namminersortunut akiligassaa; aningaasartaliussineq nassuiaaserneqarsimassaaq arealimut, nioqutissiornermut iluanaarummulluunniit akileraarutasussatut.

Akuersissuttaaq pisussaaffinnik imaqartinneqarsinnaavoq kalaallinik sulisussanik pilersuisinnaasunillu atuinissamik, taamatullu piareersaalluni suliarinninnerit Kalaallit Nunaanni pissasut. Piaanerup aallartitsinginnerani, piiaanissamut pilersaarut saqqummiunneqassaaq, saqqummiunneqartoq Naalackersuisunit akuerineqassalluni. Akuersissummi Naalackersuisut aalajangiissapput atuinermi annertussusissanut piumasagaatinik.

Nukissiuteqarfinnik sullulianillu pilersitsineq ingerlatsinerlu aamma akuerineqartussaapput. Kalaallit Nunaanni Namminersorlutik Oqartussat pisinnaatitaasoq akiliuteqarnissaanik piunaffigisinnaavaat.

Atuinissaq siunertaralugu misissuinissanut piiaanissanullu ukiut 10-t angullugit akuersissutigineqarsinnaavoq imikkut pisoqartillugu ukiut 16-nit angullugit. Akuersissut tunniunneqartarpoq periaatsit arlaliusut atorlugit soorlu tamanut ammasumik arlalinnik toqqaalluni suliarinnittussarsiuusinikkut, uuliasioqatigiit paasisimasaqarnermik nalunaakkanik qinnuteqaateqarsinnaatillugit, aningaasatigut tunuliaquteqarnermik taamatullu isumannaatsuunissamik, peqqissuunissamik avatangiisinillu tunngasutigut ingerlatseriaatsinik ilisimaarinnittunik.

Nunap iluanut tunngasunut akuersissutit ukiut 50-t angullugit ingerlatsiffiusinnaasut tunniunneqartarput. Akuersissut Kalaallit Nunaanni Namminersorlutik Oqartussanit akileraaruserneqartarpoq, tamanna arialimut, suliassaqarnerup annertussusianut, atuinermut imaluunniit iluanaarummut akileraarutaavoq.

Annikitsuinnarmik misissuinissamut akuersissutit

Piiaanissaq siunertaralugu misissuinissanut aatsitassanillu iluaquteqarnissamut akuersissutit annertunngitsut inunnut ataasiakkaanut tunniunneqartarput tassalu ingerlateqatigiiffiunngitsunut. Akuersissutit, Kalaallit Nunaanni najugaqavissunut taamaallat tunniunneqartarput qinnuteqaatillu tunniunnissaanut ukiut tallimat najugaqavissutut nalunaarsimassalluni taamatullu piffimmi tamakkiisumik akileraartusimassalluni.

Annikitsuinnarmik misissuinissamut akuersissutit taamaattut kisermaassat arialinut 1 km²-mut annertussilimmut annikinnerusumiluunni annertussusilimmut akuersissutaapput, annertunerpaamillu ukiunik pingasunik sivisussuseqarsinnaalluni. Akuersissutinut taamaattunut misissuinerit pisinnaatitaasumit nammineq ingerlanneqassapput imaluunniit pisinnaatitaasup inoqutaanit; taamaattorli pisinnaatitaasoq pisinnaaffeqarpoq inuit qulingiluat tikillugit sulisoqarnissaminik akuersissummik piniarsinnaalluni. Misissuinerillu pissallutik mikisunik, tiggummisakkanik, isumaminik ingerlasuunngitsumik atuinikkut.

Kalaallit Nunaanni nunaqavissut tamakkiisumillu akileraartussaasut inuussutissarsiutiginaa aatitassanik nunap qaani takussaasunik akuersissuteqaratik katersisinnaapput; katersanik suliarinninnermi tunisinermilu annikitsuinnarmik misissuinissamut akuersissuteqartoqassaaq.

Kommunit betonngiliorfiillu

Kommunit betonngiliorfiillu aqquserniornissamut sanaartornissamullu atugassanik ujaraaqqanik, ujaqqanik assigisaannillu akuersissuteqaratik atuisinnaapput.

Uuliasiornissamut akuersissutit amerlassusaat, tamatumunngalu aningaasat atukkat malittuani saqqummiussaapput.

Takussutissiaq 1. Kalaallit Nunaanni uuliasiorneq

	2003	2004	2005	2006	2007	2008	2009	2010	2011	2012
Misissueqqaarnerit (ingerlatat)	7	9	9	7	11	17	23	27	25	27
Misissuinissamut akuersissutit (atulersitat)	1	1	2	2	6	11	13	20	20	20
Atuinissamut akuersissutit (atulersitat)	2,4	2,9	2,9	1,9	9,5	115,5	102,0	501,7	823,9	...

Najoqqutaq: Aatsitassanut Ikummatissanullu Pisortaqarfik

Aatitassanik misissuinissamut akuersissutit amerlassusaat, tamatumunngalu aningaasat atukkat malittuani takussutissiaq 2-mi saqqummiussaapput.

Takussutissiaq 2. Aatitassanik misissuineq

	2003	2004	2005	2006	2007	2008	2009	2010	2011	2012
Misissueqqaarnerit (ingerlatat)	11	12	12	12	14	14	11	21	16	26
Misissuinissamut akuersissutit (atulersitat)	19	22	33	29	63	67	71	73	75	97
Atuinissamut akuersissutit (atulersitat)	1	1	2	2	2	3	4	4	4	4
Misissuinnermi aningaasartuutit milliuninut DKK	44,9	66,2	191,0	135,0	471,0	497,0	300,0	524,0	710,8	519,5

Najoqqutaq: Aatsitassanut Ikummatissanullu Pisortaqarfik

Sisamat atuinissamut akuersissutit maanna ingerlanneqartut tassaapput Nalunami guldtisiorfik, Maarmorilimmi bly- aamma zinkisiorfik, Jameson Landimi qaqqami malmeqarfimmi ingerlataq Niaqunngunamilu olivinisorfik.

Aningaasanut tunngasut

Uuliasioqatigiiffinnik aatsitassarsioqatigiiffinnillu Kalaallit Nunaannut pileritsatitsiniarnermik sulinermi aningaasatigut qanoq ingerlatsinissaq isigalugu periaasiusussanik assigiinngitsunik siunniussisoqarpoq, tassalu ingerlatseqatigiiffiit akileraarutaat aammalu iluanaarutitigut akileraarutit, nioqqutissiornikkut imaluunniit sinneqartooruteqarnikkut akitsuusiineq, naalagaaffiup akuutinneqarneratigut/sinneqartoorutinik avitsinikut/nioqqutissiornikkut avitsi-nikkut taamatallu sulisoqarnissamik-aammalu piukkunnarsaanissamik pisussaaffiliinertigut.

IHS Energy-p aamma PriceWaterhouseCoopers-p suleqatiginerisigut Kalaallit Nunaanni qaffasissusissap erseqqissarnissaa nunani allani naammassisassatut piumasat naligiisinnerisigut anguneqarluni, tassuunakkut uuliamik aatsitassatigullu suliffissuaqarnissamut nunap soqutiginarsarneqassalluni.

Sulianik unitsitsineq

Sulianik unitsitsineq

Aatsitassanik ikummatissanillu suliaqarnermi unititsinissamik piumasaqartoqaraangat, pisinnaatitaaffeqartup atortorisat piassavai taamatullu ingerlatsivik sukuviassallugu. Naalakkersuisut piumasarisinnaavaat, pisinnaatitaaffeqartuq qularnaveeqqusiissasoq.

Inatsit malillugu, suliffeqarfiit aatsitassarsiornissamik ikummatissiornissamilluunniit aallartitserusuttut, sapinngisamik mingutitsinissaq annikitsuutinniassagaat taamatullu aatsitassanik ikummanissanillu mingutitsininaasunik suujunnaarsitsinissaq eqqumaffigissallugu. Inatsit aammattaaq aalajangersaavoq, silap pissusia pinngortitarlu pitsaalineqassasut piumasaasut malillugit iliuuseqarnikkut.

Avatangiisit navianartorsiortinneqalissappata akisussaasoq tassani pisussaavoq pitsaaliiniassalluni aammalu Naalakkersuisut tamatuminnga ilimatissallugit. Akisussaasoq pisussaavoq arlaatigut ajoqusiinermik pisoqarneratigut taarsiiffiginnittussaataassalluni.

Naalakkersuisut upalungaarsimanermit ataatsimiititaliamik pilersitsissapput, imaannarmi suliaqarnermi angallammik ajutoornikkut isumalioqatigiissitamik pilersitsisariaqarsinnaassallutittaaq.

Uuliamik aamma aatsitassanik pisuussutinik iluaquteqarnek, nunap iluaniittunik nukimillu pissarsiamik atuneq, aatsitassarsiortoqaneratigut suliffissuarnik sanaartornertigut taamatullu tamakkuninnga ingerlatsinissamut siunnersuutinik atuutitsisoqalersinnaavoq, avatangiisinut qanoq sunniuteqarsinnaaneranut naliliinermik uppernarsaatissaqarpat, tamatumunngalu nalunaajaat Naalakkersuisunit akuerineqarsimappat (nalunaajaat taanna VVM-mik taaneqartarpoq).

Piujartussamik inuiaqatigiinnut iluaqutaasumik sunniutissat

Piujartussamik inuiaqatigiinnut iluaqutaasumik sunniutissat

Aatsitassanut ikummatissanullu inatsimmi piumasaqaatigineqarpoq, suliaqartoqartillugu, suliarineqartullu inuiaqatigiinni tamanut tunngasutigut pingaarutilimmik sunniuteqarsorinassappat, inuiaqatigiinni piujartussamik iluaqutaasumik sunniutissanik nalilersuisoqartassasoq (VSB-mik nalunaajaammik taaneqartumik), Naalakkersuisunit akuerineqartumik.

Qillerinissamut iliuusissamut tunngatillugu 2010-mi VSB suliarineqarpoq, tamatumunngalu atatillugu Namminersorlutik Oqartussat, kommunit qinnuteqartorlu (Cairn Energy) suleqatigiinnissamut isumaqatigiiteqarput. Isumaqatigiissummut ilanngunneqartut ilagaat NUNAOILip ineriartortinnissaa, oqartussaassuseqarnerup annertusinissaa kalaallilu suliffeqarfiinut atortussanik inniminneerisarnissaq.

Sisimiuni Aatsitassalerinermut Ikummatissalerinermullu Ilinniarfik, aatsitassalerinermut ikummatissalerinermullu qitiusumik ilinniarfeqarfiuvoq oqartussaassuseqarnerup annertusarneqarnissaanut aamma qitiusoqarfiusoq 2010-mi ukiakkut naammassisoq.

Signatur forklaring:

- ... Oplysninger foreligger ikke
- .. Oplysninger for usikre til at angives eller diskretionshensyn
- . Tal kan efter sagens natur ikke forekomme
- 0 Mindre end halvdelen af den anvendte enhed
- Nul
- * Foreløbigt eller anslået tal

Eventuel henvendelse

E-mail: stat@stat.gl

2013 ukiumoortumik paasisutissat

Grønlands Statistik
Postboks 1025 · 3900 Nuuk
Tlf.: +299 34 57 70 · Fax: +299 34 57 90
www.stat.gl · e-mail: stat@stat.gl

